



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR UNTUK MAKLUMAN :

Y.B. MENTERI

Y.B. TIMBALAN MENTERI

Y.BHG. KSU

Y.BHG. TKSU (PDN)

Y.BHG. TKSU (PPP)

SETIAUSAHA AKHBAR

28 JANUARI 2023 (SABTU)



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR (KPDN)

28 JANUARI 2023 (SABTU)

Menu Rahmah RM5 untuk rakyat miskin

Bangi: Kerajaan akan memperkenalkan Menu Rahmah yang menawarkan hidangan makanan pada harga RM5 dan ke bawah, khusus untuk golongan miskin tidak lama lagi.

Menu itu yang merangkumi nasi, ayam atau ikan dan sayur akan dilaksanakan selepas Kementerian Perdagangan Dalam Negeri dan Kos Sara Hidup (KPDN) memeterai memorandum persefahaman (MoU) dengan Per-

satuan Pengusaha Restoran India Malaysia (PRIMAS) dan Persatuan Pengusaha Tomyam Malaysia, minggu depan.

Menteri Perdagangan Dalam Negeri dan Kos Sara Hidup, Datuk Seri Salahuddin Ayub, berkata menu itu dikhususkan kepada golongan miskin yang memerlukan makanan siap masak pada harga munasabah.

Nasional 2



Syor subsidi kepada peniaga sediakan Menu Rahmah RM5

Dari Muka 1

Bercakap kepada pemberita selepas jelajah mesra dan pemeriksaan Ops Menu di sini semalam, Salahuddin berkata, idea menu itu tercetus menerusi sesi libat urus KPDN bersama pemain industri di sini, kelmarin.

Katanya, idea itu bagi mencari kaedah terbaik menangani isu kenaikan harga makanan dalam situasi 'menang-menang' bagi mengurangkan kos operasi serta menawarkan harga munasabah kepada pelanggan.

Mengenai pelaksanaan Ops Menu 3.0 yang bermula pada 23 Januari lalu, Salahuddin berkata, sebanyak 614 premis makanan diperiksa di seluruh negara, dengan sembilan tindakan dikenakan kepada peniaga yang melakukan kesalahan di bawah Akta Kawalan Harga dan Antipencatutan (AKHAP) 2011.

AKHAP memperuntukkan denda sehingga RM500,000 bagi perbadanan atau syarikat, manakala bagi individu, denda sehingga RM100,000 atau penjara tidak melebihi tiga tahun atau kedua-duanya sekali, jika sabit kesalahan.

"Bagaimanapun kerajaan mahu elak dikenakan tindakan undang-undang kepada pengusaha premis makanan, jadi saya harap pengusaha premis dapat patuhi undang-undang dan beri kerjasama," katanya dipetik *BERNAMA*.

Sementara itu, PRIMAS yang

dihubungi *BH* memohon kerajaan mempertimbangkan pemberian subsidi khas kepada pengusaha restoran yang terbabit dalam penyediaan Menu Rahmah RM5.

Harga bahan mentah tinggi

Presidennya, Govindasamy Jayabalan, berkata ini memandangkan kos penyediaan bahan mentah seperti ikan dan ayam ketika ini agak tinggi, dengan harganya di pasaran juga berubah-ubah setiap masa.

Katanya, PRIMAS yang mewakili lebih 1,500 pengusaha restoran di seluruh negara menyambut baik inisiatif Menu Rahmah, namun berharap ada situasi menang-menang antara peniaga dan kerajaan.

"Minggu depan kita akan teruskan perbincangan untuk menjayakan inisiatif ini. Setakat ini belum ada keputusan muktamad. Kita menyambut baik usaha kerajaan, namun perbincangan perlu dibuat untuk selesaikan beberapa masalah berbangkit.

"Harga (RM5) ditawarkan agak susah untuk peniaga (sediakan hidangan nasi, ayam atau ikan serta sayur). Sebab kita tahu, ayam ketul sekarang dijual RM5-RM7 seketul," katanya.

Beliau mencadangkan pemberian subsidi, termasuk pengenalan kupon khas secara terus kepada pengusaha sebagai langkah mudah dalam mengurus dan menjayakan inisiatif ini kelak.



Govindasamy



SALAHUDDIN (tiga dari kiri) mengadakan lawatan mengejut ke restoran sekitar Bandar Baru Bangi menerusi Ops Menu 3.0 semalam.

Lauk-pauk ditawarkan pada harga bawah RM5

Menu Rahmah bantu golongan miskin tegar

PETALING JAYA – Kerajaan bercadang untuk mewujudkan Menu Rahmah di setiap kedai makan dan restoran dalam masa terdekat khusus untuk membantu golongan miskin tegar yang memerlukan makanan bermasak.

Menteri Perdagangan Dalam Negeri dan Kos Sara Hidup (KPDN), Datuk Seri Salahuddin Ayub berkata, menu tersebut akan ditawarkan pada harga di bawah RM5 dan ia merangkumi nasi, lauk sama ada seketul ayam atau ikan bersama sayur-sayuran.

"Saya mencadangkan diwujudkan satu menu makan tengah hari bawah RM5 bertujuan untuk membantu golongan yang sangat memerlukan.

"Bagaimanapun menu lain seperti menu premium contohnya udang, sotong, ikan siakap atau jenahak kita tidak usik, itu terpulang kepada mereka (pembeli), mereka ada pilihan. Fokus

kita kepada golongan miskin tegar yang memerlukan makanan," katanya.

Beliau berkata demikian selepas melakukan lawatan mengejut di beberapa kedai makan sekitar Bandar Baru Bangi semalam sebagai sebahagian daripada Ops Menu 3.0.

Mengulas lanjut, Salahuddin berkata, bagi merealisasikan hasrat itu, satu perjanjian memorandum persefahaman (MoU) akan dimeterai bersama beberapa persatuan restoran dan kedai makan bermasak.

Katanya, antaranya Persatuan Pengusaha Restoran Muslim Malaysia (Presma) dan Persatuan Pengusaha Restoran Tomyam Malaysia (Pertom) dalam masa terdekat.

"Nampaknya setakat ini, semua persatuan bersedia untuk mewujudkan menu tersebut yang dinamakan Menu Rahmah

atau menu kasih sayang.

"Kami akan umumkan MoU dalam masa terdekat dengan pengusaha kedai makan termasuk kedai tomyam yang akan turut menawarkan menu ini sehingga lewat malam.

"Saya harap peranan kementerian sedikit sebanyak dapat membantu rakyat dalam mendepani kos sara hidup," ujarinya.

Terdahulu, beliau memaklumkan menerusi Ops Menu 3.0 yang bermula sejak 23 Januari lalu, sebanyak 614 pemeriksaan dilakukan di seluruh negara setakat kelmarin bagi memantau dan menangani isu harga makanan bermasak.

Daripada jumlah tersebut, pihak kementerian telah mengambil tindakan terhadap sembilan kes membabitkan peniaga yang melakukan kesalahan bawah Akta Kawalan Harga dan Antipencatutan (AKHAP) 2011.

MENU RAHMAH RM5



MUKA 2 & 3

Kualiti makanan tetap dijaga

FOTO: ROSLI TALIB

Presma sifatkan Menu Rahmah sebagai CSR kepada golongan kurang mampu

Oleh **NURUL HUDA HUSAIN SHAH ALAM**



“

Kami menganggap ini CSR (kepada rakyat) kerana dalam perniagaan ini kita tidak boleh terlalu memikirkan keuntungan semata-mata.

- Jawahar Ali

Persatuan Pengusaha Restoran Muslim Malaysia (Presma) bersedia sepenuhnya memenuhi cadangan Menu Rahmah yang akan diperkenalkan kerajaan tidak lama lagi.

Presidennya, Datuk Jawahar Ali Taib Khan berkata, restoran yang bernaung di bawah persatuan itu juga akan memastikan kualiti makanan dikekalkan meskipun kos ditanggung melebihi nilai harga pakej yang ditawarkan kelak.

Ini kerana, menurut beliau, langkah itu sebagai salah satu tanggungjawab sosial korporat (CSR) persatuan berkenaan terhadap golongan kurang berkemampuan di negara ini.

“Berdasarkan perbincangan awal bersama menteri baru-baru ini, antara cadangan menu ialah nasi, satu jenis lauk, sayur dan air dengan harga RM5. Kalau diikutkan, kos memang melebihi daripada harga yang ditetapkan.

“Bagaimanapun, kami menganggap ini CSR (kepada rakyat) kerana dalam perniagaan ini kita tidak boleh terlalu memikirkan keuntungan semata-mata.

“Cuma mungkin kita boleh kecilkan sedikit saiz ayam. Yang lain-lain, contohnya beras tetap



Berdasarkan perbincangan awal pengusaha restoran bersama menteri baru-baru ini, antara cadangan menu ialah nasi, satu jenis lauk, sayur dan air dengan harga RMS.

sama kerana kita tidak boleh kompromi dalam aspek kualiti,” katanya kepada *Sinar Harian* di sini pada Jumaat.

Beliau berkata demikian sebagai mengulas pengumuman kerajaan yang akan memperkenalkan Menu Rahmah dalam masa terdekat sebagai usaha membantu golongan miskin tegar yang memerlukan makanan siap dimasak.

Menteri Perdagangan Dalam Negeri dan Kos Sara Hidup (KPDN), Datuk Seri Salahuddin Ayub berkata, satu perjanjian memorandum persefahaman (MoU) akan dimeterai kerajaan bersama beberapa persatuan restoran dan kedai makan bermasak seperti Presma dan Persatuan Pengusaha Restoran Tomyam Malaysia (Pertom) bagi menjayakan menu berkenaan.



Lebih banyak restoran disaran untuk turut serta

SHAH ALAM - Persatuan Pergerakan Pengguna Malaysia (PPPM) menyarankan agar lebih banyak restoran dan kedai makan menyertai usaha untuk menjayakan Menu Rahmah.

Setiausaha Agungnya, Sukhdave Singh berkata, persatuan itu menyambut baik cadangan kerajaan dalam usaha membantu golongan miskin tegar dan penyertaan lebih banyak restoran serta kedai makan akan dapat membantu program berkenaan berjalan sebagaimana dirancang.

"Kami mengucapkan tahniah kepada menteri dan pihak Kementerian. Saya lihat inisiatif ini memang tepat masa pelaksanaannya dalam membantu golongan yang amat memerlukan tatkala kos sara hidup tinggi yang menekan kesejahteraan kewangan isi rumah.



SUKHDAVE
SINGH

"Tahniah juga kepada pengusaha-pengusaha restoran yang turut bersama menyertai dan menyokong inisiatif ini.

"Kami berharap sokongan yang bakal diberikan ini adalah ikhlas dan dilaksanakan seperti yang dijanjikan.

Makanan yang dihidangkan haruslah segar dan berkhasiat," katanya ketika dihubungi *Sinar Harian* pada Jumaat.

REAKSI

“

Cadangan Menu Rahmah amat bagus kerana dapat membantu golongan miskin tegar. Saya berharap usaha ini akan berkekalan agar dapat meringankan beban masyarakat ketika ini.”

- Noor Hasnieza Ahmad, 28, pekerja swasta dari Shah Alam, Selangor



“

Saya sangat teruja kerana harga Menu Rahmah sangat murah, siap ada ayam atau ikan dalam setiap hidangan. Saya tak sabar menunggu inisiatif ini dilaksanakan kelak.”

- Hadirah Farhana Haraiime Alam, 25, eksekutif dari Petaling Jaya, Selangor



“

Menu yang ringkas tetapi mengenyangkan, sedikit sebanyak membantu orang ramai yang terbeban dengan kos kenaikan harga makanan. Bukan senang nak dapatkan harga sebegini.

- Faridatul Amanina Roslan, 25, pensyarah dari Sungai Petani, Kedah



“

Ketika ini ramai terpaksa ikat perut kerana mahu berjimat terutama apabila harga barang keperluan meningkat. Saya harap usaha ini berterusan dan mungkin boleh diwajibkan kepada semua kedai makan.

- Saidatul Syahidah Muzafa, 26, pekerja swasta dari Rawang, Selangor



'Menu Rahmah' for the poor

THE government is taking two measures to keep restaurant food affordable. Op Menu 3.0 will ensure sellers don't raise prices drastically, and a RM5 dish — chicken or fish with vegetables — will be on the menu.

» REPORT ON **PAGE 3**



PIC BY HAZREEN MOHAMAD

OP MENU 3.0

TACKLING HIGH FOOD PRICES AT EATERIES

Errant outlets face stern action; 614 checks conducted nationwide with 9 businesses hauled up, says minister

FUAD NIZAM
KAJANG
news@nst.com.my

THE Domestic Trade and Cost of Living Ministry has rolled out Op Menu 3.0 to tackle rising food prices at eateries.

Its minister, Datuk Seri Salahuddin Ayub, said the nationwide operation was aimed at ensuring that food outlets complied with regulations and to de-

ter traders from manipulating prices.

"The continuous approach taken by the ministry through Op Menu 3.0, which began on Jan 23, is to ensure traders' compliance with the laws.

"Up to Jan 26, we have conducted 614 checks with action taken against nine businesses that committed offences under the Price Control and Anti-Profiteering Act 2011."

Salahuddin said the ministry would also take stern action against errant businesses involved in profiteering and found breaking the law.

"Those found committing offences under the said law will be fined up to RM500,000 for businesses and up to RM100,000 for individuals or imprisonment of not more than three years or both."

He said engagement sessions

had been held with industry players such as restaurant associations and food operators to find the best solutions to tackle rising food prices.

"On Thursday we had an engagement session with the Malaysian Muslim Restaurant Owners Association (Presma), Malaysian Indian Restaurant Owners Association (Primas), Malaysia Singapore Coffee Shop Proprietors General Association (MSCPGA), Bumiputera Retailers Association (BRO), Malaysia Retail Chain Association and the Malaysia Retailers Association (MRA) to find a win-win solution in reducing operations costs and providing low prices to customers."

Salahuddin also said an affordable menu for the poor was in the works. He said the menu, called "Menu Rahmah" and priced be-

low RM5, was being discussed with restaurant associations, including Presma and the Malaysian Tom Yam Restaurant Owners Association (Pertom).

"I have presented the menu idea to the associations, and they have stated their readiness to serve such a menu in their restaurants.

"A memorandum of understanding with these associations will be prepared next week."

The menu, he said, would be served alongside regular and premium menu items such as fresh grilled squid and grilled sea bass.

"Menu Rahmah will comprise a plate of rice, a piece of chicken or fish and vegetables. It will be sold at restaurants for RM5 or below."

Meanwhile, Salahuddin said the ministry would hold discussions with the Health Ministry on the issue involving the promo-

tion, advertising and sale of e-cigarettes or vape products resembling toys or "Tiger Pod".

"I have to discuss with the Health Ministry for further action as the matter falls under its jurisdiction," he said, adding that his ministry had yet to get any report on the matter.

Earlier, Salahuddin went on a walkabout and visited several food establishments in Bandar Baru Bangi under Op Menu 3.0.

He advised consumers to exercise their rights by making price comparisons and to lodge complaints with the ministry complete with details such as receipts, pictures and business addresses for fast and effective action.

Those with information should alert the ministry via its hotline at 1800 886 800 or send an email to e-aduan.kpdq.gov.my.



Domestic Trade and Cost of Living Minister Datuk Seri Salahuddin Ayub (second from right) speaking to traders during a walkabout as part of Op Menu 3.0 in Bandar Baru Bangi yesterday. With him is the ministry's enforcement director, Azman Adam (right).
BERNAMA PIC

Sorok minyak masak di sauna terbiar



PENGARAH Kementerian Perdagangan Dalam Negeri dan Kos Sara Hidup (KPDN) Pulau Pinang, S Jegan (dua, kiri) bersama pengawainya menunjukkan minyak masak paket subsidi satu kilogram yang dirampas ketika sidang akhbar, kelmarin. KPDN Pulau Pinang membongkar taktik menjadikan sauna terbiar untuk menyembunyikan minyak masak paket subsidi satu kilogram selepas menyerbu sebuah kondominium mewah di Jalan Bukit Dumbar di George Town.

'Air suam RM2 tidak munasabah'

SEREMBAN - Tindakan peniaga mengenakan caj RM2 untuk segelas air suam kepada pelanggan adalah tidak munasabah.

Menteri Besar Negeri Sembilan, Datuk Seri Aminuddin Harun berkata, peniaga tidak sepatutnya mengambil kesempatan menaikkan harga secara melampau walaupun pada musim perayaan.

"Kalau air suam itu, kita sepatutnya tahulah berapa harganya. Saya harap ia tak berlaku lagi kerana kerajaan bukannya menaikkan tarif air."

"Saya mohon para peniaga di Port Dickson supaya tidak mengambil kesempatan walaupun pada cuti umum atau hari biasa dengan kekalkan kemesraan yang selalu dikatakan supaya orang tak rasa jadi sejarah hitam buat mereka apabila datang ke Port Dickson," katanya kepada media pada Khamis.

Sebelum ini tular di media sosial, peniaga di Port Dickson mengenakan caj RM2 untuk air suam dan RM1 untuk air kosong kepada pelanggan.

Resit berkenaan dikongsi seorang pelanggan pada hantaran Facebooknya dan jumlah keseluruhan bil yang dimuat naik pelanggan terbabit termasuk hidangan makanan dan minuman lain ialah RM102.

Aminuddin yang merupakan Ahli Parlimen Port Dickson berharap kes berkenaan tidak berulang demi menjaga Port Dickson sebagai destinasi pelancongan



AMINUDDIN

terkenal.

"Saya berharap peniaga bersikap lebih bertanggungjawab dan bukannya mahu mengejar keuntungan kerana masih ada masa panjang untuk menjalankan perniagaan," katanya.

Sementara itu, tinjauan *Sinar Harian* di beberapa premis perniagaan di daerah jni dan Port Dickson pada Jumaat bagaimanapun mendapati kebanyakan mereka memberi

percuti air berkenaan kepada pelanggan.

Malah, ada yang meletakkan bekas air tersebut bagi memudahkan pelanggan mengambilnya.

Pemilik restoran di Seremban 2, Shahrul Iswan Zailan, 36, berkata, sejak membuka restoran empat tahun lalu, dia sememangnya tidak mengenakan sebarang caj untuk air suam dan air kosong kepada pelanggan.

Sebab itu, katanya, dia menyediakan bekas air kosong di kedainya bagi memudahkan pelanggan mengambilnya.

Peniaga di Medan Selera Penghulu Cantik di sini, Siti Nor Ain Mohd Sin, 34, berkata, mana-mana peniaga berhak mengenakan caj air suam kepada pelanggan namun ia biarlah berpatutan.

"Biasanya saya tak caj pun, tapi kalau satu kumpulan pelanggan datang semuanya minta air suam, saya caj 20 sen segelas."

"Tapi kalau RM2 segelas, memang sangat tidak wajar," katanya.

Senarai Harga Barang Keperluan		Telur Gred A		Gula Pasir		Cili Merah	
Ayam	RM8.49	Telur Gred A	RM13.50	Gula Pasir	RM2.84	Cili Merah	RM14
Daging Lembu Tempatan	RM39	Ikan Kembung	RM14.25	Bawang Besar Holland	RM4.49	Kubis Tempatan	RM6.60
Daging Lembu Import	RM55.80	Minyak Masak	RM6.90	Bawang Putih	RM5.89	Tepung Gandum	RM2.90

*Harga (RM/kg) Sumber: KPDN